



Irene Mariussen og Trond Sverre Myrtveit
Dalland 30
5936 MANGER

Referanser:

Dykkar:

Vår: 14/299 - 14/4843

Saksbehandlar:

Helge Vallestad

helge.vallestad@radoy.kommune.no

Dato:

07.05.2014

Søknad om gratis skuleskyss

Viser til søknaden dykkar om fri skuleskyss grunna særleg farleg skuleveg for borna dykkar skuleåret 2014/15.

Retningslinene frå Utdanningsdirektoratet slår fast at alle slike søknader skal ha ei individuell handsaming og at avgjerda skal byggja på ei individuell vurdering. Ut frå erfaringar med ei "gruppeklagesak" hjå fylkesmannen må Radøy kommune derfor insistera på at de sender individuelle søknader frå kvar familie (teksten må gjerne vera identisk med den de har nytta, men det er greitt om de identifiserar elevane nærare med fødselsdato).

Vidare kan kommunen orientera om at i mars handsama formannskapet ei sak om dette emnet. Eg siterer frå saksutgreiinga:

"Hausten 1998 kom det to søknader om fri skuleskyss grunna særleg farleg skuleveg, ein som gjaldt elevar som hadde skuleveg frå Tveiten til Manger, og ein som gjaldt elevar som hadde skuleveg frå Kalnes mot Sæbø skule. Begge søknadene fekk avslag i skulestyret, men søkjarane klaga til fylkesmannen. Resultatet av klagehandsaminga vart at dei frå Tveiten ikkje fekk medhald, medan fylkesmannen slo fast det var for farleg for skulebarn å ferdast langs riksvegen frå Storheimstø til Taule.

Skulestyret la då til grunn at alle som må ha skuleveg langs Rv 565 får fri skuleskyss grunna særleg farleg skuleveg. Skulevegen frå andre deler av krinsen til Sæbø skule skal reknast etter gangvegen om Solheim. Elevar som har meir enn 4 km etter denne vegen, får fri skyss.

Eit resultat av denne prosessen vart at skulestyret sette ned ei nemnd for å vurdere farenivået på all skuleveg i Radøy. Med grunnlag i desse to klagehandsamingane, omfattande synfaring og eigne vurderingar, konkluderte nemnda med at mykje av skulevegen på Radøy var farleg, men berre skulevegen langs 565 på Sæbø var særleg farleg. Denne innstillinga vart vedteken først av skulestyret og deretter av kommunestyret.

Desse vedtaka har seinare lagt grunnlaget for kommunen sitt arbeid med søknader om fri skyss grunna særleg farleg skuleveg. Alle har fått avslag, men i perioden 1999 – 2014 har tre klagesaker til fylkesmannen har fått medhald, og status på området er no slik (i tillegg til 2/4 km grensa):

Austebygd skule

Born i 1. og 2. klasse som kjem nordfrå langs Rv 565 til Austebygd skule, og alle langs Hellandsvegen etter Sletta senter, får fri skyss grunna særleg farleg skuleveg.

Hordabø skule

Ingen særordningar når det gjeld skuleskyss.

Manger skule

Alle på Halland og Sævdal har fri skuleskyss på grunn av særleg farleg skuleveg.

Sæbø skule

Alle som må ha skuleveg langs Rv 565 får fri skuleskyss grunna særleg farleg skuleveg. Skulevegen frå andre deler av krinsen til Sæbø skule skal reknast etter gangvegen om Solheim. Elevar som har meir enn 4 km etter denne vegen, får fri skyss.

Radøy ungdomsskule

Alle på Halland og Sævdal har fri skuleskyss på grunn av særleg farleg skuleveg."

I klartekst tyder dette at søknadane dykkar vil få avslag. Dette avslaget kan de så klaga på til Fylkesmannen. Eg vil rå dykk til at de følgjer denne prosedyren. Samstundes bør de vera kjend med at ma. den siterte saksutgreiinga førte til at formannskapet gjorde følgjande vedtak:
" Formannskapet slutta seg til rådmannen sitt framlegg om å setja ned ei politisk nemnd som skal leggja fram vurderingar knytt til farleg skuleveg og særordningar for skuleskyss i Radøy. Formannskapet ønskjer fagkompetanse frå administrasjonen i nemnda sitt arbeid. Mellom anna skal nemnda på synfaringar og vurdere dagens trafikksituasjon ved skulane. Nemnda skal også henta innspel frå ulike instansar.

Formannskapet vedtok samrøystes rådmannen si tilråding, med følgjande tillegg:
Kenneth Murberg, Silje Namtvedt og Jon Askeland er politiske medlemar i nemnda."

Ta gjerne kontakt dersom de ønskjer ytterlegare informasjon om saksfeltet.

Med helsing

Helge Vallestad
rådgjevar oppvekst

Dette dokumentet er elektronisk godkjent og har difor ingen signatur.

Mottakere:

Irene Mariussen og Trond Sverre Myrtveit	Dalland 30	5936	MANGER
Jannicke Angelskår og Dag Sætre	Sætrevegen 9	5936	MANGER
Jannicke Helland og Arild	hellandsneset 9	5936	MANGER

Mottakere:

Christensen

Stine Osa Karlsen og Ole Magnus

Dalland

Dalland 40

5936

MANGER